

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 69. sjednici Predstavničkog doma, održanoj 25. oktobra 2005. godine, i na 49. sjednici Doma naroda, održanoj 31. oktobra 2005. godine, usvojila je

ZAKON

O DOPUNAMA IZBORNOG ZAKONA BOSNE I HERCEGOVINE

Član 1.

U Izbornom zakonu Bosne i Hercegovine ("Službeni glasnik BiH", br: 23/01, 7/02, 9/02, 20/02, 25/02, 4/04, 20/04, 25/05 i 52/05), u članu 14.3. stavu 1. iza riječi "raspušten" dodaju se riječi: "odnosno prestane mu mandat" i iza riječi "ustavom" dodaju se riječi: "i zakonom".

Član 2.

Iza člana 14.3 dodaje se član 14.3a koji glasi:

"Član 14.3a

Izuzetno, od odredbe člana 20.8 st. 1. i 2. ovog zakona, u provođenju prijevremenih izbora za općinsko vijeće, skupštinu općine, općinskog načelnika, odnosno gradonačelnika, birač koji je registriran za glasanje u odsustvu svoje pravo da glasa ostvaruje lično u općini u kojoj je imao prebivalište prema posljednjem popisu stanovništva koji je izvršila država Bosna i Hercegovina."

Član 3.

Ovaj zakon stupa na snagu osmog dana od dana objavljivanja u "Službenom glasniku BiH", a bit će objavljen i u službenim glasilima entiteta i "Službenom glasniku Brčko Distrikta BiH".

PSBiH broj 227/05
31. oktobra 2005. godine
Sarajevo

Predsjedavajući
Predstavničkog doma
Parlamentarne skupštine BiH
dr. **Nikola Špirić**, s. r.

Predsjedavajući
Doma naroda
Parlamentarne skupštine
Mustafa Pamuk, s.r .